

上元縣志



孝友

南齊陶季直丹陽秣陵人祖愍祖甚愛異之愍祖嘗以四函銀列置於前令諸孫各取季直時甫四歲獨不取人問其故季直曰若有賜當先父伯不應及諸孫故不取益奇之五歲喪母哀若成人及長好學淡於榮利起家桂陽王國侍郎北中郎鎮西行參軍並不起時人號曰聘君出爲冠軍司馬東莞太守在郡號爲清和天監初就家拜大中大夫十年卒時年七十五季直素清苦又屏居十餘載

上元縣志

卷二十一

孝友

一

及死家徒四壁子義無以殯斂聞者傷其志焉作京都記傳於世

陶子鏘字海育秣陵人父延尚書比部郎兄尚宋末爲倖臣所怨被繫子鏘控訴流血稽顙行路嗟傷逢謝超宗下車相訪囷詣建康令勞彥遠曰豈忍見人昆季如此而不留心勞感其言兄乃得釋母終居喪盡禮與范雲隣雲每聞其哭聲必動容改色欲相申薦會雲卒子鏘母性嗜蓐母沒後恒以供奠梁武帝師初至冬營蓐不能得痛恨至慟哭而絕久之乃甦遂斷蓐味

徐雄丹陽人父文伯以醫顯位奉朝請雄事母至孝
母終毀瘠幾滅性俄以兄亦亡扶杖臨喪一慟而
絕

朱年秣陵人值兵亂母死年廬於墓所終身負薪不
入城市白兔紫芝生於隴畔人因名其里曰孝感
里至今有朱年隴

張松建康人兄悌坐罪當死松及弟景爭代之縣以
讞上武帝嘉其義獲免

謝貞字元正晉太保安九世孫幼聰敏有至性母王
氏授以孝經論語年十三通五經大旨善左氏春

上元縣志

卷二十一

孝友

二

秋祖母阮氏病風眩每發不能食貞亦不食丁父
艱號頓於地絕而復甦初父藺居母喪不食泣血
卒家人懼貞復然請長爪禪師爲說法師謂貞曰
孝子無兄弟極須自愛苦憂毀滅性誰養母耶自
是少進粥糜及母喪哀毀徐祚沈客卿嘆曰信哉
孝門有孝子也後竟以毀卒

劉訐字彥度平原人幼稱純孝數歲父母繼卒訐居
喪哭泣幾至滅性赴弔者莫不傷焉與族兄敲阮
孝緒爲三隱卜築鍾山有終焉之志著穀皮冠披
衲衣遊山澤風神穎俊意氣彌遠遇者以爲神人

庾沙彌穎陰人寓居金陵嫡母劉氏寢疾沙彌晨昏侍側母亡晝夜號痛鄰人不忍聞墓在新林因有旅松百餘株自生墳側族兄都官尚書詠表言其狀應純孝之舉梁武召見嘉之以補歛令隨丁所生母憂喪還都濟浙江中流遇風舫將覆沒沙彌抱柩號痛俄而風靜蓋孝感所致

江紆字含潔考城人居金陵父舊光祿大夫患眼紆侍疾將晷月衣不解帶夜夢一僧云患眼者飲慧眼水必差及覺說之莫能解者紆叔祿與草堂寺智者法師善往訪之乃因知者啟捨同夏里舍爲寺以慧眼爲名泄故井井水清列異於常泉因取水洗眼及膏藥遂差

宋包級父鑲爲人所殺級年十七與弟綉相抱痛哭遇仇乃抉其雙目瀝血祭父仇家訟於官官壯其孝義爲直焉

元顧童子建康人年始十六母吳氏病篤不食者數日童子齟天引刀剖腹取肝雜粥藥以進母卽甦翼日童子病又一日死母以壽終

論曰孝庸德也不得乎親不可以爲人不順乎親不可以爲子自生民以來其悖德亂紀如世俗所

稱不孝者曾有幾人然而舜稱大孝武周稱達孝則又非經綸天地盡倫盡制之聖人不能當焉若夫侍疾嘗湯藥哀毀幾於滅性爲傳孝行者之常談至刲股一節功令所禁陶季直諸人尚矣顧童子吾無取焉

明姚金玉其先浙人洪武初取實京師隸上元生平孝謹母病百藥不治割股肉以進獲愈有司聞於朝詔旌爲孝行之門復其家後以女選入內改隸錦衣衛六世孫汝循舉進士仕至大名知府

徐佛保南京江陰衛人事母丁氏以孝聞丁患利醫

上元縣志

卷二十一

孝友

四

藥罔效佛保禱於天地剖腹割肝以爲湯藥母疾遂愈有司聞其狀詔旌孝行於門

張福緣竭力事親母李氏病衣不解帶者數月病轉劇遂割股作羹以進母病果愈洪武二十七年旌表

馮天孫家貧母有疾嘗刲股作糜療之有司以聞永樂間旌表

龐景華幼失父事母吳孝吳病危刲股肉以進又嘗病痢刲股如初嘗糞覺其味苦喜謂妻曰母必安矣鄰家火起顛天曰吾母老幸留此室以安養之

風遂反人以爲孝感所至天順己卯有司以聞奉
旨旌其門曰孝行永復其家母沒廬於墓側者三
年

楊佐年十五母病劇持刀剖腹取肝雜粥藥以進母
病果愈而佐後三日卒家居近辟雍祭酒程松溪
聞之駭異殯之曰令太學生數百人皆往送之
陳名謨弟名世上元人父病危篤藥餌無效各籲天
願以身代乃相繼刲股以進而父愈先是其母朱
氏曾刲股愈其父姊適劉又刲股愈母一門之內
母姊兄弟孝行相承人以爲難

上元縣志

卷二十一

孝友

五

姚澍字元白上元人弱冠入太學力學嗜古遊情翰
墨居秦淮上關市隱園與名勝賞咏其中天性至
孝母病脾醫不能療乃刲股作羹以進自是病漸
愈更壽而康常拾遺金一囊候其主不至盡出以
周貧乏謁選授鴻臚丞改南謝去不交當世尋幽
賦詩瀟洒自得子之裔字元胤文雅稱世美云
劉廷允字衷全泉水鄉人少而業儒篤於愛敬母蔡
年踰六十得劇疾醫治罔效乃籲天刲股進之立
愈遂享大年父慕橋亦以承歡登上壽天啟間大
京兆姚公旌曰異孝可風聖裔孔公胤鵬著有孝

行十紀子孫至今稱世族

論曰經云身體髮膚受之父母不敢毀傷孝之始也樂正子春下堂而傷其足君子比之不孝父母有疾親侍湯藥衣不解帶其或不諱附棺附身必誠必信葬祭以禮庸德之行如是而已且夫父母之身一毀不能復全而死生有命父母亦終不能生藉曰生之亦幸焉耳稍知理道者不爲而謂賢者爲之乎傳此數人非以示勸乃以示戒也

謝芳字景昌景泰丁丑進士授南京兵部主事歷郎中出知永州府有孝行

上元縣志

卷二十一

孝友

六

吳瑄字元玉幼聰穎不凡天性至孝親病躬進湯藥及卒居喪哀毀踰禮墓側產芝人謂孝感所致登成化己丑進士任南京工部主事歷陞郎中嘗有吏員李犯罪當革役欲鬻子贖罪瑄愍之曲爲區處使得還役且令父子得完聚其德惠及人類如此爲文典則尤長於詩畫有石居遺稿若干卷藏於家

姚珉字廷器篤志孝友父嘗客遊於浙得疾以劇聞珉兼程往侍湯藥未浹旬疾愈人謂孝誠所感弟玘爲教官致仕而貧珉資給之終身妹歿以二甥

爲託撫教之迄於成立親舊有婚喪不能舉者借
助之無吝色京兆行鄉飲以爲大賔焉
強毅字致遠自幼不好弄母薛邁癱且劇毅親爲洗
滌中夜忘寢父英異之弱冠補弟子員每見器於
督學諸公年五十貢上春官入胄監繼登順天甲
子鄉薦久之乃就選部授紹興府推官時府有疑
獄十數毅至剖決咸允人稱爲神明性慤直臺院
司臬有反駁或論議稍不合輒與爭辯甚至拂衣
而出以是見讓於當路遂歸在官餘兩載去後民
多思之年八十三卒

上元縣志

卷二十一

孝友

七

李景星字應德幼有至性二親喪三日不一飲食葬
祭悉用朱氏禮友於二兄督學蕭公嘗表異之以
諸生貢八太學卒

董宣字繼善欽天監籍自幼穎敏游京庠累舉不第
成化己未需次貢春官授青田儒學訓導修明職
業迎母於官所晨起課諸生畢卽候於寢門曲盡
其歡母病號泣求醫湯藥必嘗乃進母卒摧頓隕
而復甦者數四郡守以下愍之競資其歸葬
服闋除親藩講讀卒於官所著有青田雜錄若干

卷

吳文度字憲之少與兄文威力學舉成化八年進士授龍泉令累官至副都御史以南京戶部尚書致仕著有交石類稿王丹丘言交石尚書有姊老而寡居尚書之家亦能詩文一時卿大夫來詣尚書者值其他出輒請老姊見與議論供茗而去當時士大夫風俗樸質如此尚書友愛甚篤爲南御史大夫所居在北門橋南常於橋上遇其兄踽踽步行卽下輿扶攜而歸與故舊處如布衣時至今里中談盛德長者必推交石先生

蔣繼蕃字巽之上元人舉正德己卯賢書性至孝屢

上元縣志

卷二十一

孝友

八

不利於禮闈戊子北上抵淮忽心動急歸則母已病篤一見而逝人以爲孝感云

丁禔其先江都人祖瑄天順初爲錦衣帥沒而賜葬江寧石子岡禔襲府軍後衛指揮使性至孝年五十猶無嗣息人有勸其禱祈者禔曰人受命於天而得生於祖與其乞靈土木曷若乞靈於吾親乎歲時伏臘必走賜塋下具牲牲申誠悃雖風雨寒暑未嘗愆期一日冒雪拜墓拜竟視隴上槭樹一碩大如拳異而攜歸與室人啖之遂有娠生子弘潮得世襲迄今子姓蕃衍

阮鳴韶上元人年十三補博士弟子父垕以劾嚴嵩
罷官韶承父志不應舉潛心理學門下受業者常
數十人父母壽俱九十餘韶臨喪已過七十擗踊
之聲聞於閭巷廬墓三年如禮江東有老孝子之
稱至八十七終門人私謚曰端穆先生子可教武
進士任鷹揚守備分家時以田產讓諸兄及諸姪
而已取其瘠者素善醫術崇禎間疫癘盛行活人
無算生平布衣蔬食老來預示人曰我當某日行
矣果無病如期而逝壽七十八

韓范字孟小鷹揚衛籍早慧伯銀臺公國藩每器愛

上元縣志

卷二十一

孝友

九

之父國楨任俠好施有負官錢鬻其女者解橐中
金贖焉及范以崇禎丙子舉於鄉人咸以爲天報
范獨泫然慟父之不及見也居母喪哀痛踰禮服
闋謁選得吳興教諭聞國變告先師廟痛哭挈妻
孥歸憂憤不食瀕死猶具衣冠舟中北面再拜而
逝子德俊少孤克自成立尚義孫鎮歲貢生有文
行

趙拱辰世居西華門三條巷純孝性成居家教授承
歡備至有重幣聘之遠遊者拱辰曰吾方以身事
親豈以千金易一日耶祝給諫世祿嘗稱爲世之

眞儒家之孝子子自明孫司至皆以孝稱鄉先達表其里曰仁孝里

季胤光隨父避寇江南孝養備至父卒扶櫬歸躬營墓域不肯假手於人服闋不脫衰經積痛不起將革命繪父母小像以殉

殷之禮字仍夏京衛揮使也樸實不文父國光賚表卒於徐之旅舍禮年十二奔喪千里迎柩歸葬孀母李氏善病禮侍養極周娶馬氏不敢歸房日奉湯藥夜煑梨棗按摩母側妻亦善事姑寧野老人爲作雙孝傳

上元縣志

卷二十一

孝友

十

胡士楫字濟公恩貢生父應魁由進士官廣西南太節鎮有政聲士楫天性醇厚家產義讓諸昆季甘貧守道爲文章原木經術士從遊者甚衆少喪母每霜露泫然涕泗終身如一日後卒命葬於母墓側以成其志云孫鼻歲貢生曾孫莘隆戊辰進士廣東長樂縣知縣有治聲

蕭春字秉常其先江夏人寓居金陵性至孝父政病痢春衣不解帶者逾月每夕沐浴仰叩北辰及病劇痢忽變紫臭穢狼籍春泣曰吾父不復生矣兩手劇床一吸殆盡其母往見相抱悲苦遂絕良久

乃甦父既卒哀毀幾不能生廬墓側者期年
論曰親疾躬侍湯藥親歿勺飲不入三日禮之經
也然史氏率多諛詞亦每涉套若吳元玉之墓側
生芝姚廷器之兼程侍湯藥強毅母薛邁癰親爲
洗滌蕭秉常父病痢沐浴嘗糞李應德三日不一
飲食董繼善號泣求醫湯藥必嘗蔣繼蕃抵淮心
動阮鳴韶之稱江東老孝子季胤光之服闋不脫
衰經可謂躬行君子卓然可稱道者矣趙拱辰以
身事親不以千金易一日祝給諫世祿稱爲眞儒
孝子韓范居母喪盡禮聞國變告先師廟痛哭北
面具衣冠再拜而逝忠孝兼之吳憲之爲南御史
大夫養寡居老姊嘗出遇其兄踽踽步行卽下輿
扶攜而歸其友愛朴質如此丁禔歲時走先塋乞
嗣果生子弘潮得世襲殷仍夏事嫡母李娶馬氏
不敢歸房馬亦善事姑世謂雙孝胡濟公少喪母
每霜露泫然涕泗終身如一日謝景昌知永州府
有孝行殆不以一節名者與

國朝陳颺字子賡天性純厚不尚嬉笑父邑庠生珪授
以書輒默誦神會欲追先民遺範甫冠館大司馬
王弘祚家祚器重之延入京師補博士弟子員文

行益著名公鉅卿爭相結納焉踰年歸里省親值母梁病篤祈禱求以身代輒痊待諸弟竭力備致家無私蓄其孝友蓋天性然也後遊閩廣凡名勝俱有詩蹟子昌言字禹儀素遵父訓讀書言行不苟有古人風舉成均晚年好施與歿時里中貧乏者聞之無不垂涕孫啟賢邑庠生佑咸太學生佑咸子文炳庠生庚午年修邑志多文炳校閱之功羅秉侯字振英號醒菴家貧傭書供甘旨事父鶴亭色養唯謹母病革號呼籲天遂甦鄉人稱爲羅孝子襲世職累官廣東惠州協副將年八十卒於家

上元縣志

卷二十一

孝友

十一

子興治有孝行郡守旌額

孫大倫字第懷太學生幼失怙恃哭泣如成人父遺貲數千金悉歸伯兄口不言貧生平尤多善事晚年舉鄉飲介賔子希曾歲貢生孫之康邑庠生李暄字弢三由監生授楚雄知縣少有至性母早逝事繼母得其歡心定省無間人以孝稱之

張士秀字彥侯號恪庵家貧舌耕養親讓遺產與諸弟又自置屋挈弟同居載父遺筆中入貢成均銓選及次忽曰家有老親久缺定省安用此微名耶急拂衣歸銀臺羅繼峯爲之傳相公素存張公贈

以額曰孝隱高逸制府范公顏其堂曰孝行可風
子泌邑增生

陸成之與兄焚之友愛誠篤兄歿成之盡以產付姪
自甘淡泊長姊適董遺幼女撫爲已女以配從姪
鳴時時後登壬辰進士

劉芳蔭字瞻怙上世屢剗股救親父岳遂名其堂曰
孝友芳蔭十五補諸生性純篤能體父訓母病以
身禱母死事母兄如父事姊如母兄弟朋友有急
周之如恐不及焉

徐孝子失其名郡庠生也七歲父爲仇家所殺孝子

上元縣志

卷二十一

孝友

十三

哀號動天欲報無由年十五補博士員潛鑄匕首
長尺許鐫報仇二字懷之十四年子才七歲持之
泣曰汝祖爲仇家殺子抱恨二十年今幸得汝觀
汝非不成立者吾將甘心焉卽挾匕首往立殺仇
人于室持其頭祭父塚畢詣獄請死閤郡紳士數
百人環庭乞免吏不聽卒瘞死于獄

鄧林植邑人年十七歲與弟林懋並以負販爲生事
母至孝母沒無旦夕哭執紼之日血淚并漬見者
傷焉植遂以哭死于路及歸懋亦卒鄉人稱眞孝
子

馮驥字子超世居燕子磯畔生而穎異嗜讀書補邑庠弟子員值海氛起祖業畧盡獨力經營事親備盡色養親沒哀毀骨立撫諸弟姪授經授室咸使有成族黨稱孝友無間言丁巳以明經貢入成均子一麐世其家學

馬遇伯字際明世居謝山之陽篤孝二親色養惟謹明天啓中官豹韜衛指揮掌衛繆大樸索其家珍玩遇伯以親所愛必不與遂誣劾罷官偕妻田氏躬耕養親隱居終其身

普弘烈字奉寰事親至孝親疾常割兩臂肉和藥以

上元縣志

卷二十一

孝友

十四

進病獲痊其子孫繼起庠序中

徐陞字征吉父早喪事母劉氏至孝劉常有疾陞左右就養寢食爲廢迄疾篤私割股和藥餌進之病乃已其敬姊也如其母生平奉行功過格言規行矩有古君子風焉子克敏任獲嘉縣式瑗歲貢生江都訓導

郭耀祖字善友父得癘疾不起耀祖籲天請損已壽以益父恍惚中若有告者曰感汝誠已讓九齡矣父尋愈耀祖竟先父卒

張超特字滌田附貢生事親孝事嫡出諸兄恭同母

弟友十齡爲之教養婚娶俟其成立將原分之產
交給不苟任鑾儀衛經歷告歸生母歿哀毀絕粒
及葬廬墓三年又於祖塋前設立義學按時給師
生膏火數十年不衰子橘孫若魯俱邑庠生
鄭遯字彥遠年十二時兄爲亂兵所掠父母皆髦年
旦夕悲泣遯走軍中得之相抱持痛哭兵感其義
遂護之歸及長偕兄弟六人絕甘分少卒成其家
迄今五世餘未嘗析爨

諶瑋字玉章先世豫人籍金陵天性醇厚事二親以
孝聞母病與妻閔氏晝夜侍榻前不解帶者數月

上元縣志

卷二十一

孝友

十五

居喪如禮顏色之戚哭泣之哀近今所罕見也游
成均以學行自勵尤精於醫子堯序堯庸孫永泰
皆世其學

賈重任字弘仁垂髫失怙比長以祖開國勲應得世
職有司檄徵至再會母蘇氏病遂堅辭不赴偕弟
大任侍床側不寢處者十數年如一日大任大以
仗義稱

李况字同人奉親極孝親沒旦夕號泣易名曰蒿字
匪莪示孺慕焉時與杜茶村邵儀夫胡致果等詩
文交往有梅花百咏半壑諸詩年八十二卒

朱之卿字蓋甫朝選之仲子也官池浦營守備隨提督杜弘域勦流寇得功辭終養友愛尤篤子浦澄性亦孝

高官廕生而至孝年十三母患病篤官廕侍湯藥不離母病漸瘳家人謂醫所治也月餘官廕忽被疾死其未死之前一日私語兄曰母醫我日者毋病劇已禱于神請以身代矣啓其臂則刳痕在焉乃悟母病之愈官廕割股之力也

李西岡性至孝少喪母父娶繼母未旬日父歿繼母慟欲身殉西岡號泣護之曰母歸吾父卽吾母也

上元縣志

卷二十一

孝友

十六

苟不孝母何以慰吾父於地下極盡孝道三十年如一日其仲子義超官縣令人名宦季子紹聞官待詔有文譽人以爲孝行之報云

易芳字天培家貧以繪事爲業事母至孝母所欲得必竭力以博其歡不使母知母性嚴急稍不稱意輒怒或加以鞭撻必長跪而受之愉色慰解乃已家無隔宿儲一日晨起將遠出子婦進食有肉驚曰安得此婦曰祖姑欲食故典衣辦此耳曰祖姑已食乎曰未因泫然却之曰是使我爲不孝子也卒不食而以進年六十餘以貧病死時母年過九

十氣將絕猶顧母而涕者三

論曰父兄疾革禱于神以身代周公之金滕是也
今之志孝友者率以爲常譚可乎然而性之所發
雖中材者亦往往有之若羅振英陳子賡尚矣他
若孫第懷孺子泣李弢三事繼母得其歡心亦人
情所難能陸成之友愛兄姊及其子女劉瞻怙善
體父訓張恪庵舌耕養親不慕微名庸德之行胡
不慍慍耶徐孝子甘心父仇從容死孝鄧林植以
毀滅性賢者之過馮子超親在能致其養親沒撫
弟姪受經受室馬際明不以親所愛與人佳子弟

也普奉寰徐征吉雖其刲肉涉愚而子孫庠序繼
起必有由致張滌田撫同母幼弟分產不苟鄭彥
遠尋兄于亂軍中兄弟六人未嘗析爨謀玉章母
病與妻閔氏晝夜侍榻前不解帶數月賈弘仁母
病不受襲李同人親沒易名曰蒿示孺慕之義朱
蓋甫以武臣乞終養高官廕以童稚減齡益母則
至庸中得此兩奇也至於李西岡善事繼母易芳
曲順嚴母又其孝而知禮者歟

林岳字翰五號薦庵失父早極孝母幼與雙先兄正
雷連席爲文後正雷入府庠岳以舌耕爲業因館

課嚴肅獲羸疾終身不娶所著有詩文稿門人大紀梓行之

方力新字曰盤湖熟鎮人性孝友敦名節母劉氏終號慟絕食既葬廬于墓側卧苦枕塊朝夕哭拜竟成羸疾醫不治力新以罔極未報哀泣墓前疾忽漸瘳聞者異之

劉公良性至孝父智所遊鎮江遭劫死良在家心悸奔訊知父死于河控憲抵諸兇于法負屍歸葬祖塋側人以爲孝感所至

張岍然字節侯父延祚由選貢歷仕寶慶通判甲申

上元縣志

卷二十一

孝友

十八

乞歸不仕岍然生未成童而延祚歿母施氏年二十七矢志撫孤家貧紡績難以自給岍然輒棄儒業懋遷委婉承志晨昏視膳者六十餘年母歿岍然哀毀特甚後家道稍豐與弟戀友爱彌篤斗粟尺布未嘗自私族黨中婚喪有不足者常代營辦鄉里稱之卒年七十有一子齊歲貢生能繼父志周濟親朋雖破家不爲恤焉孫師說師郈俱蜚聲

夔序

洪選字聖舉太學生性篤孝友常遊漢陽遇客舟漂溺倉卒間救活二十餘人且各資以行裝俾得歸

里終無德色年七十餘卒子印能曲體親意振起家聲諸孫林立人稱爲陰德之報云

蔡殿先字致青甘泉第八子由國學考授分刺以孝友稱族里中父甘泉嘗示以詩云午飯盤殮能養志知心紅友暮相逢居官早爲資生計肯累貧兒拮据供葢其養志實天性然也督學法公海贈以孝友可嘉匾額子際泰邑庠生

鄭士貴字鴻儒父君楚家道中落士貴遠貿粵西歸與弟士祿竭力盡孝甘旨無虧子統孝友悉踵父志

上元縣志

卷二十一

孝友

十九

張旭字天錫天性孝友兄偶遭顛沛嘗爲他事所累被逮窘迫旭極力周旋破產拯救無難色後爲之治生業奉養終其身鄉里敬之

陳昌熾字是常由國學抵京師考授分刺工詩文孀母仲兄染疾危篤熾兩次割股救之是能人所難者族姪相亦割股愈母

孫如琦字奇玉端方正直鄉黨宗仰子三友爱彌篤長景堯敦古處仲景禹性嗜學擅文藝畫宗白陽山人六法俱備爲人亦雅自愛三景稷豪爽特達卒于蜀之成都

俞泰性至孝好施與族黨待舉火者甚衆親朋有急難多方恤之每逢除夕與同里趙純義各袖惠延路散給樂善不倦年八十餘鬻鑠異常人以爲積善之報

呂璉幼失恃父病危篤璉親治湯藥罔效遂割左股肉和藥以進獲甦父卒延壽二十年生平尤仗節好義康熙癸未逃丁代納之累遍及閭閻璉慨然捐已貲請于各上憲公題豁免衆姓德之年八十卒所著有堯天甦困錄行世

劉萬文字允公邑人性孝友兄某早沒以其子爲之

上元縣志

卷二十一

孝友

二十

嗣而撫其女如已女先是家中落伯仲爭言析允公泣曰奈何骨肉天性而計利耶盡其貲俾諸昆弟各有所託業而隻身走吳越賈獲三倍家復裕人以爲孝友所感壽七十有二舉鄉飲賓

呂士詒字聖功性篤孝友養母雖貧乏不缺甘旨與弟同居不言析爨子律少習儒業長通岐黃治奇症多驗貧者不取值鄉里德之

沈汝符字青仙號釜山邑庠生由貢入成均天性孝友兄汝松蚤卒事孀嫂如母子鑿字樂周性尤篤孝事繼母克盡溫清長房乏桃甫生一子即出嗣

意以爲雖不復生不計也後復生二子俱能成立鄉里咸以爲厚德之報卒年六十有一鄭爲楫字汝舟郡庠生以貢需次博士性孝友門以內雍雍如也好讀書飭躬嚴正通達古今事務其持論悉可見諸躬行與人交開濟明豁一以真實尤尚慷慨有魯子敬風父逮素有貸者不詣取直券悉束而度置爲楫請父焚之父喜曰是吾志也遂悉焚之子之僑有聲庠序能以博學篤行世其家亦賣志而歿閭黨咸爲惋惜云

鄧鍾杰天性孝友篤於倫撫姪如子教養備至親朋

上元縣志

卷二十一

孝友

二十一

緩急必通至貧債不能償者輒焚其券年七十四歲卒子雲麟克承父志族姪歿後婦子無依月給米薪負債家有窘色卽檢券還之鄉里咸稱爲積善焉

張繼宗割股愈母旌

汪應乾府軍右衛指揮使割股愈母數年母復病復

割股以進而愈

吳淦精醫卜割股愈母

王頊割股愈母

沈昇庠生割股愈母

李士傑侍母蔡氏茹素祈壽

陸元龍庠生事繼母孝刲股療疾

劉潮千戶子文縉割股愈潮縉病子天命亦刲股以

療命妻宋氏病童女桂姐亦刲股救之

顧夢霖尚書璘孫刲股愈母

陳鑛上元庠生刲股救母旌

路汝捷順治乙酉舉人新城知縣刲股愈母

張翼字彥臣事繼母至孝母患惡疾刲股治之而瘳

彭起鰲字士先上世廬陵人明初遷居金陵讀書敦

行子五人文煥其白眉也煥字丹崖天性醇厚事

上元縣志

卷二十一

孝友

二十一

親盡孝待昆弟友愛無間言長游京師王公大人
嘗器重之會城設普濟堂丹崖捐金親司其事辦
理有法度姻党中有急輒周恤無倦色壽八十子
攀龍己酉科舉人墉候選司馬坦歲進士孫鎮貢
生

何允乾字建章孝廉允謙族弟家貧無石儲嘗撫幼
弟允升自矢曰苟得偕若苦創家業少就卽爲爾
娶婦弟有子卽吾子也後允升生維嵩立爲後八
旬壽終維嵩國學孫士顥邑庠生

計嘉聞字瞻兮性篤孝友登崇禎丙子賢書子成字

雪巖中戊戌武進士任陝西岷州營叅軍值吳逆之變多著奇蹟卒勞王事歿於官後數十年子暹子身歷萬餘里舁觀歸南人咸稱慕暹任湖廣興國州有治聲崇祀名宦暹子懋惠懋官俱庠生

王士景字林瞻原籍新安人自弱冠遷居金陵入太學考授州同知性惇孝義嘗讓產諸昆弟絕無德色族人太史罕皆爲立家乘傳甚詳子瑞國庠生

文炬文炘文燿起煇俱貢成均

程邦柱字援標康熙甲午舉人性孝友樂施與居心忠厚然諾不欺子從龍攀龍俱庠生

上元縣志

卷二十一

孝友

二十二

楊芳杲字曙升性醇厚多助困乏凡橋梁道路傾圮輒捐貲修之無難色子世任世泰世岱俱國學生

聞選字衡士候補縣佐爲人誠樸孝友性成族黨賴

調卹者甚衆子愷雍正壬子舉人

江文宗字伊上性孝友鄉里稱盛德子二長波繼父志敦善不怠早沒次瀚以巳子承兄嗣事孀嫂如母內外無間言焉蓋孝友實家法然也

吳世銓字俊登渾樸無華然諾不苟鄉里童叟咸以盛德長者稱之生子五教以治生力學皆賢而才其長子字孝友尤行如其字云

江自重字山峙江上隱士也爲人渾樸宅心端直鄉里中稱盛德長者子遴宜字銓六素守清貧樂善重義捐金建橋掩骼埋骸次子天叙字敦五才猷卓犖積善助貧孝友亦與兄同皆太學生論曰事親從兄仁義之實而放里巷通神明則實積而華生焉予觀林翰五以下洪聖舉彭丹崖何建章諸人行誼卓卓藹然孝子悌弟之用心三山二水間豈直風流相尙已耶若張繼宗等孝稍隣於愚亦附錄云

